

一百五十贊佛頌 科判

尊者摩喙裡制吒 造 大唐沙門义净于那烂陀寺 译

藏地大德雍增耶协坚赞所作广释《照了妙道宝炬》 江波（仁钦曲札）译科

释道净 整理 20240719 3 稿 微信 qq 973451196 校对 禁止商用篡改 法律責任必究

表 0：（1 表）總表

科判				品頌
全文分三	甲一讚文題義			
	甲二譯者禮請			
	甲三釋文義分三	乙一由發起之門趣入解釋之支分分四（表 1）		發起讚頌品第一（1~9）
		乙二	丙一由因成佛方便圓滿之門贊分四（表 2）	贊因品第二（10~26）
			丙二由果佛功德圓滿之門贊分三	贊無喻品第三（27~41）
			丁一讚果佛功德無有譬喻之理分四（表 3）	贊稀有品第四（42~51）
			丁二贊果佛功德稀有之理分七（表 4）	贊身品第五（52~57）
			丁三贊果佛功德無等倫之理分六（表 5）	贊意品第六（58~66）
		丙三由事業圓滿之門贊分八	丁一讚大師證覺已隨悲轉饒益眾生分五（表 6）	讚語品第七（67~81）
			丁二贊大師隨悲轉為諸有情說法之理分十（表 7）	讚聖教品第八（82~91）
			丁三贊大師主要事業聖教分四（表 8）	贊本願品第九（92~101）
			丁四贊大師成就往昔發心及發願之理分五（表 9）	
			丁五贊大師導諸所化入自己行道之理分七（表 10）	贊入道品第十（102~112）
			丁六贊大師為利所化修苦行之理分六（表 11）	贊苦行品第十一（113~123）
			丁七贊大師善巧饒益所化之理分六（表 12）	贊善巧品第十二（124~134）
			丁八贊大師於所化所作饒益鹹盡其責之理分五（表 13-1~2）	贊不負債品第十三（135~153）
		乙三結束分二		
		丙一何人所造		
		丙二何人翻譯		

表 1：（1 表）乙一由發起之門趣入解釋之支分分四 發起讚頌品第一（第 1~9 頌）

科判			頌詞
乙一由發起之門趣入解釋之支分分四	丙一初作歸依分三	丁一認明歸依境	01.世尊最殊胜，善断诸惑种，无量胜功德，总集如来身。
		丁二於彼歸依之理	02.唯佛可归依，可赞可承事，如理思惟者，宜应住此教。
		丁三示大師佛陀堪為究竟歸依處之因相	03.诸恶烦恼习，护世者已除，福智二俱圆，唯尊不退没。 04.纵生恶见者，于尊起嫌恨，伺求身语业，无能得瑕隙。
	丙二於暇滿勸取堅實		05.记我得人身，闻法生欢喜，譬如巨海内，盲龟遇楂穴。 06.忘念恒随逐，惑业堕深坑，故我以言词，叹佛实功德。
	丙三正说趣入造赞之支分分三	丁一立誓造赞	07.牟尼无量境，圣德无边际，为求自利故，我今赞少分。
		丁二供赞	08.敬禮無師智，稀有眾事性，福慧及威光，誰能知數量？
		丁三示赞之因緣	09.如来德无限，无等无能说，我今求福利，假赞以名言。
		丙四示品名	發起讚頌品第一

表 2：（1 表）丙一由因成佛方便圓滿之門贊分四 贊因品第二（第 10～26 頌）

科判				頌詞
丙一由因成佛方便圓滿之門贊分四	丁一讚大師發心之理分二	戊一總義		
		戊二支分義分二	己一大師往昔發心之理	10.我智力微淺，佛德無崖際，唯願大慈悲，拯我無歸處。
			己二發心已終不逾彼學處之理	11.怨亲悉平等，无缘起大悲，普于众生界，恒作真善友。
	丁二贊大師於有學位六度行之理分二	戊一總義		
		戊二支分義分六	己一讚大師牟尼王修佈施之理	12.内財尚能舍，何况于外財，尊无憍惜心，求者满其愿。 13.以身护彼身，以命赎他命，全躯救一鸽，欢喜无慳慍。
			己二贊大師牟尼王修持戒之理	14.尊不畏恶道，亦不贪善趣，但为心澄洁，尸罗由此成。 15.常离诸邪曲，恒亲质直者，诸业本性空，唯居第一义。
			己三贊大師牟尼王修安忍之理	16.众苦逼其身，尊能善安虑，正智断诸惑，有过悉兴悲。 17.殉命济他难，生无量欢喜，如死忽重苏，此喜过于彼。 18.怨对害其身，一切时恒恼，不观其过恶，常起大悲心。 19.正遍菩提种，心恒所珍玩，大雄难胜智，无有能及者。
			己四贊大師牟尼王修精進之理	20.无等菩提果，苦行是其因，由此不顾身，勤修诸胜品。 21.豪贵与贫贱，等引以大悲，于诸差别中，而无高下想。
			己五贊大師牟尼王修靜慮之理	22.胜乐等持果，心无有贪着，普济诸群生，大悲无间断。 23.尊虽遭极苦，于乐不悌求，妙智诸功德，殊胜无能共。
			己六贊大師牟尼王修智慧之理	24.染净诸杂法，简伪取其真，如清淨鵝王，饮乳弃其水。 25.于无量亿劫，勇猛趣菩提，于彼生生中，丧身求妙法。
	丁三贊大師經三大阿僧祇劫圓滿二資糧之理		26.三僧祇数量，精勤无懈倦，持此为胜伴，以证妙菩提。	
	丁四示品名		贊因品第二	

表 3：（1 表）丁一讚果佛功德無有譬喻之理分四 贊無喻品第三（第 27～41 頌）

科判				頌詞
丁一讚果佛功德無有譬喻之理分四	戊一讚因何佛功德無有譬喻之理分六	己一讚因何成無等倫世間主之理分二	庚一总义	27.尊无嫉妒心，于劣除轻想，平等无乖诤，胜行悉圆成。
			庚二支分義	
		己二贊因何功德究竟之理		28.尊唯重因行，非求果位圆，遍修诸胜业，众德自成满。
		己三贊因何成無上福田之理		29.勤修出离法，超升众行顶，坐卧经行处，无非胜福田。
		己四贊因何獲最上證德之理		30.拔除众过染，增长清淨德，斯由积行成，唯尊最无上。
		己五贊因何獲圓滿斷德之理		31.众福皆圆满，诸过悉蠲除，如来净法身，尘习皆已断。
		己六贊因何一切功德圓滿之理		32.资粮集更集，功归调御身，欲求于譬类，无能与佛等。
	戊二贊因何相佛功德無有譬類之理		33.遍观诸世间，灾横多障恼，纵有少分善，易得为比对； 34.远离诸过患，湛然安不动，最胜诸善根，无能为譬喻。	
	戊三贊佛功德無喻可表之理分七	己一佛深功德無喻可表	35.如來智深遠，無底無邊際，世事喻佛身，牛跡方大海。	
		己二佛堅功德無喻可表	36.深仁荷一切，世間無有比，大地持重擔，喻此實為輕。	
		己三佛明功德無喻可表	37.愚痴暗已除，牟尼光普照，世智非能譬，如萤对日光。	
		己四佛諸功德無喻可表	38.如來三業淨，秋月皎空池，世潔喻佛身，俱成塵濁性。	
		己五集世間一切善無以喻表佛功德	39.如上诸所引，世中殊胜事，佛法迴超过，俗事可哀愍。	
		己六簡言之此世間無與佛等倫者	40.圣法珍宝聚，佛最居其顶，无上无比中，唯佛与佛等。	
		己七一切說佛功德者僅可述說各自心中所現	41.如来圣智海，随乐叹少分，鄙词赞胜德，对此实多惭。	
	戊四示品名			贊无喻品第三

表 4：（1 表）丁二贊果佛功德稀有之理分七 贊稀有品第四（第 42～51 颂）

科判		頌詞
丁二 贊果 佛功 德稀 有之 理分 七	戊一讚牟尼王摧壞魔羅煩惱功德稀有之理	42.时俗親降魔，一切咸归伏，观彼同真性，我谓等轻毛。 43.假令大战阵，智勇能摧伏，圣德超世间，降彼非为喻。 44.邻次降魔后，于夜后分中，断诸烦恼习，胜德皆圆满。
	戊二贊牟尼王調伏外道具三毒者功德稀有之理	45.圣智除众暗，超过千日光，摧伏诸邪宗，稀有无能比。 46.三善根圓滿，永滅貪恚痴，種習悉已除，清淨無能喻。
	戊三贊牟尼王無有愛憎功德稀有之理	47.妙法尊恒贊，不正法恒非，于斯邪正处，心无有憎爱。 48.于圣弟子众，及外道师徒，于彼违顺中，佛心初无二。
	戊四贊牟尼王意澄淨圓潔功德稀有之理	49.于德情无着，德者亦非贪，善哉极无垢，圣智恒圆洁。
	戊五贊外相可表牟尼王意澄淨圓潔稀有之理	50.诸根常湛寂，永离迷妄心，于诸境界中，现量由亲觀。
	戊六讚語及施作可表牟尼王意趣清淨功德稀有之理	51.念慧穷真际，非凡愚所测，善安立语言，证彼亡言处。
	戊七示品名	贊稀有品第四

表 5：（1 表）丁三贊果佛功德无等伦之理分六 贊身品第五（第 52～57 颂）

科判		頌詞
丁三 贊果 佛功 德無 等倫 之理 分六	戊一讚大師佛身見無厭背而令一切見者起信之理	52.寂靜無礙光，皎潔逾輝映，妙色世稀有，孰不懷敬心？ 53.若有暫初观，或复恒瞻觀，妙相曾无二，前后悉同欢。
	戊二贊大師佛身視無厭足而令一切見者心滿之理	54.最胜威德身，观者心无厌，纵经无量劫，欣仰似初观。
	戊三贊大師佛身與依此之意相續功德相似而無等倫之理	55.所依之德体，能依之德心，性相二俱融，能所初无异。
	戊四贊大師佛身不共功德相好之理	56.如斯善逝德，总集如来躬，离佛相好身，余非所安处。
	戊五大師佛身功德與依此身之意相續功德二者相爭而無等倫、以奇妙修辭贊	57.我因先世福，幸遇调御师，仰赞功德山，远酬尊所记。
	戊六示品名	贊身品第五

表 6：（1 表）丁一贊大師証覺已隨悲轉饒益眾生分五 贊意品第六（第 58～66 颂）

科判		頌詞
丁一 讚大 師證 覺已 隨悲 轉饒 益眾 生分 五	戊一讚牟尼王雖知生死過患然隨悲轉來此穢土饒益眾生	58.一切有情类，皆因烦恼持，唯佛能善除，由悲久住世。 59.誰當先敬禮，唯佛大悲尊，聖德超世間，悲願處生死。
	戊二贊來此穢土而不住阿練若享寂靜樂隨悲轉饒益剛強與苦惱眾生	60.尊居寂靜乐，处浊为群生，永劫久精勤，慈心为一切。 61.從真還利俗，由悲所引生，如呪出潛龍，興雲注甘雨。
	戊三贊觀所化界及意樂隨悲轉饒益各別所化	62.恒居胜定位，等观以怨亲，凶嶮倡聒人，投身归圣德。 63.神通師子吼，宣言三界尊，久已厭名聞，由悲自稱讚。
	戊四贊隨悲轉唯行利他於己似無憫愛之理	64.常修利他行，曾无自利心，慈念遍众生，于己偏无爱。 65.悲愿无边际，逐器化群生，随处皆饶益，犹如散祭食。 66.深心念一切，恆不捨須臾，利彼反遭辱，由咎非佛作。
	戊五示品名	贊意品第六

表 7：（1 表）丁二贊大師隨悲轉為諸有情說法之理分十 贊語品第七（第 67～81 頌）

科判		頌詞
丁二贊大師隨悲轉為諸有情說法之理分十	戊一讚但聞大師牟尼王語梵音起信之理	67.慈音演妙義，誠諦非虛說，廣略任機緣，半滿隨時轉。 68.若聞尊演說，孰不嘆希奇，縱令懷惡心，有智咸歸信。
	戊二贊牟尼王語之一分亦能饒益所化之理	69.義詞恒善巧，或復出粗言，利益悉不虛，故并成真妙。
	戊三贊牟尼王一切所說即引所化入解脫及一切智方便之理	70.柔軟及粗獷，隨事化眾生，聖智無礙心，一味皆平等。
	戊四贊牟尼王之語及出語之口曼荼羅二者無等倫之理	71.勝哉無垢業，善巧喻良工，成此微妙身，演斯珍寶句。 72.觀者皆歡喜，聞說并心開，美顏宣妙詞，如月流甘露。
	戊五贊牟尼王諸語除所化諸煩惱之理	73.慈云洒法雨，能清染欲塵，如彼金翅王，吞滅諸龍毒， 74.能殄無明暗，喻如千日光，摧碎我慢山，譬猶天帝杵。
	戊六贊牟尼王之語全無前後相違、與義乖違等過失之理	75.現證非虛謬，靜慮除亂心，如實善修行，三事皆圓滿。
	戊七贊牟尼王之語漸次調伏所化心相續之理	76.創聞佛所說，心喜已開明，從此善思惟，消除諸垢染。 77.遭苦能安慰，放逸令生怖，著樂勸厭心，隨事皆開誘。 78.上智證法喜，中根勝解生，淺劣發信心，尊言遍饒益。 79.善拔諸邪見，引之趣涅槃，罪垢能洗除，由尊降法雨。
	戊八贊牟尼王所記莈者絕無欺誑之理	80.一切智無礙，恆住正念中，如來所記莈，一向非虛謬。
	戊九贊牟尼王之語全不虛發之理	81.無非處非時，亦無非器轉，尊言不虛發，聞者悉勤修。
	戊十示品名	贊語品第七

表 8：（1 表）丁三贊大師主要事業聖教分四 贊聖教品第八（第 82～91 頌）

科判		頌詞
丁三贊大師主要事業聖教分四	戊一讚因何入佛聖教之理分四	
	己一說佛教與外道教優劣差別、稱揚諸自好者須入此大寶佛教、由此之門贊	82.一路勝方便，無雜可修學，初中後盡善，餘教所皆無。
	己二薄福及劣慧者難了此教、由難遇佛教之門贊	83.如斯一向善，狂愚起謗心，此教若生嫌，無怨與斯等。
	己三思惟大師牟尼王為立教故歷劫修無量苦行、由念大師恩及大悲亦須入此教、由如是稱揚之門贊	84.歷劫為群迷，備經眾苦毒，此教縱非善，念佛尚應修。
	己四思惟別別所化一切利樂皆源自佛教而決定須入此教、由如是稱揚之門贊	85.況能大饒益，復宣深妙義，縱使頭被焚，先應救此教。
	戊二由入佛教利益之門贊分三	
	己一由入佛教有四大利益之門贊	86.自在菩提樂，聖德恒淡然，皆由此教生，證彼亡言處。
	己二由入佛教當勝四魔之門贊	87.世雄真實教，邪宗聞悉驚，魔王懷惱心，人天生勝喜。 88.大地無分別，平等普能持，聖教利群生，邪正俱蒙益。 89.暫聞佛所說，金剛種已成，縱未出樊籠，終超死行處。
	己三由入佛教當漸次得聞思修慧而稱遂之門贊	90.聞法方思義，如實善修行，次第三慧圓，余教皆無此。
	戊三由說不入不敬此教過患之門贊佛聖教	91.唯獨牛王仙，妙契真圓理，斯教不勤修，寧有怨過此？
	戊四示品名	贊聖教品第八

表 9：（1 表）丁四贊大師成就往昔發心及發願之理分五 贊本愿品第九（第 92～101 頌）

科判		頌詞
丁四 贊大師 成就往 昔發心 及發願 之理分 五	戊一讚大師成就攝受一切 見聞念觸者願力之理	92.暫聞除渴愛，邪見信心生，听者發喜心，依斯具淨戒。 93.誕應時咸喜，成長世皆歡，大化利群生，示滅興悲感。 94.贊咏除眾毒，憶念招欣慶，尋求發慧明，解悟心圓潔。 95.遇者令尊貴，恭侍勝心生，承事感福因，親奉除忧苦。
	戊二由種種譬喻門贊佛功 德	96.尸羅具清淨，靜慮心澄寂，般若圓智融，恒沙福所集。 97.尊容及尊教，及尊所證法，見聞思覺中，此寶最殊勝。
	戊三由般若經中所說別號 之門贊大師	98.漂流作洲渚，害己恒為護，怖者作歸依，引之令解脫。
	戊四由經中所說種種譬喻 之門贊大師	099.淨戒成妙器，良田生勝果，善友能饒益，慧命由此成。 100.行恩及和忍，見者咸欣悅，廣集仁慈心，功德無邊際。 101.身口無過惡，愛敬由之生，吉祥眾義利，咸依善逝德。
	戊五示品名	贊本愿品第九

表 10：（1 表）丁五贊大師導諸所化入自己行道之理分七 贊入道品第十（第 102～112 頌）

科判		頌詞
丁五 贊大師 導諸所 化入自 己行道 之理分 七	戊一讚大師牟尼王是無上 丈夫調御士之理	102.導師能善誘，墮慢使翹勤，等持調曲心，迷途歸正道。 103.善根成熟者，駕馭以三乘，卽龍懷不調人，由悲故暫舍。
	戊二贊大師牟尼王受許饒 益群生之理	104.于遭厄能設，安樂勸善修，悲愍苦眾生，利樂諸群品。
	戊三贊大師牟尼王是一切 眾生尊重之理	105.違害興慈念，失行者生忧，暴虐起悲心，聖德無能贊。 106.恩深于罔極，舉世所咸知，于此返生怨，尊恒起慈愍。
	戊四贊大師牟尼王饒益諸 愚昧有情之理	107.亡身救一切，自事不生忧，于諸崩墮人，親能為援護。
	戊五贊大師牟尼王饒益堪 成器種性醒覺所化之理	108.二世行恩造，超過諸世間，于暗常照明，尊為慧燈炷。
	戊六贊大師牟尼王稱頌為 人天師之理	109.人天所受用，隨類有差殊，唯尊正法味，平等無差別。 110.不觀于氏族，色力及年華，隨有善根人，求者皆蒙遂。 111.廣現諸稀有，無緣起大慈，聖眾及人天，合掌咸親近。 112.嗚呼生死畏，佛出乃光輝，饒益諸眾生，皆能滿其愿。
	戊七示品名	贊入道品第十

表 11：（1 表）丁六贊大師為利所化修苦行之理分六 贊苦行品第十一（第 113～123 頌）

科判		頌詞
丁六 贊大師 為利所 化修苦 行之理 分六	戊一讚大師牟尼王因何修 苦行之理	113.惡人與共處，摧樂取忧危，謗惱害其身，猶如受勝德。 114.為物行勤苦，曾無染著心，世尊稀有德，難以名言說。
	戊二贊大師牟尼王如何修 苦行之理	115.尊遊嶮惡道，馬麥及牛鏹，苦行經六年，安受心無退。 116.尊居最勝位，悲愍化群生，縱遇輕賤人，身語逾謙敬。 117.或位尊貴主，曾無憍慢心，屈己事眾生，卑恭如仆使。 118.机情億萬種，論難百千端，如來慈善音，一答疑皆斷。
	戊三贊大師牟尼王饒益怨 害者之理	119.恩深過覆載，背德起深怨，尊觀怨極境，猶如極重恩。 120.怨於尊轉害，尊於怨轉親，彼恒求佛過，佛以彼為恩。
	戊四贊大師牟尼王怨害者 對之無法加害之理	121.邪宗妒心請，毒飯與火坑，悲愿化清池，變毒成甘露。 122.以忍調恚怒，真言銷謗毀，慈力伏魔怨，正智降邪毒。
	戊五贊大師牟尼王救護眾 惡人之理	123.群迷從曠劫，習惡以性成，唯尊妙行圓，一念翻令善。
	戊六示品名	贊苦行品第十一

表 12：（1 表）丁七贊大師善巧饒益所化之理分六 善巧品第十二（第 124～134 頌）

科判		頌詞
丁七贊大師善巧饒益所化之理分六	戊一讚大師善巧調伏所化方便之理	124.溫柔降暴虐，惠施破慳貪，善語伏粗言，唯尊勝方便。 125.難提摧巨慢，驚掘起慈心，難調能善調，誰不讚稀有？ 126.唯尊聖弟子，法味自怡神，草座以為安，金床非所貴。
	戊二讚大師善巧教誡所化時宜之理	127.善知根欲性，攝化任機緣，或有待其請，或無問自說。
	戊三讚大師善巧漸次調伏所化心相續之理	128.初陳施戒等，漸次淨心生，後談真實法，究竟令圓證。 129.怖畏漂流處，唯佛可歸依，勇猛大悲尊，拯濟諸群品。 130.身云遍法界，法雨洒塵方，應現各不同，隨機故有異。
	戊四讚大師一切饒益有情事定為純善之理	131.善淨無違淨，唯尊可承奉，廣利諸人天，咸應興供養。 132.身口無起作，善化遍群方，所說妙相應，此德唯尊有。
	戊五讚此世間中饒益所化無人勝過大師之理	133.久修三業淨，妙瑞現無邊，普觀諸世間，曾無此勝德。 134.況于極惡者，純行最上悲，廣利諸眾生，勇猛勤精進。
	戊六示品名	贊善巧品第十二

表 13-1：（2 表）丁八贊大師于所化所作饒益咸盡其責之理分五 贊不負債品第十三（第 135～153 頌）

科判			頌詞
丁八贊大師於所化所作饒益盡其責故不負債之理分五	戊一讚大師於所化所作饒益盡其責故不負債之理分四	己一言“修習大師牟尼王所說法義證聲聞獨覺阿羅漢者未能報佛深恩”而贊	135.聲聞知法者，于尊恒奉事，設使證涅槃，終名為負債。
		己二言“所有修習大師所說法者鹹未能報佛深恩”而贊	136.彼等諸聖眾，為己而修學，由舍利生心，不名還債者。
		己三讚大師救護一切有情之理	137.無明睡已覺，悲觀遍群方，荷負起翹勤，聖善宜親近。
		己四讚大師不饒益所化都非有故不負債之理分三	
		庚一贊大師击败能障所化證解脫及一切智諸魔故不負債之理	
		辛一讚大師說壞煩惱魔方便故不負債之理	
		辛二讚大師擊敗天子魔故不負債之理	
		辛三讚大師說壞蘊魔死主魔方便故不負債之理	138.魔怨興惱害，佛力已能除，無畏功德中，斯但顯少分。
		庚二讚大師為諸所化說成辦解脫及一切智一切所須故不負債之理	139.悲心化一切，聖意絕希求，利樂無不施，能事斯皆畢。 140.如來勝妙法，若或可遷移，調達與善星，不應投此教。 141.無始流轉中，互為不饒益，由斯佛出世，開示化眾生。 142.鹿苑度俱鄰，堅林化須跋，此土根緣盡，更無余債牽。
		庚三讚大師色身於眾所化所作饒益盡其責故不負債之理	143.法輪久已轉，覺悟諸群迷，恒沙受學人，皆能利三有。 144.以勝金剛定，自碎堅牢身，不舍于大悲，自化猶分布。 145.二利行已滿，色法兩身圓，救攝一闡提，雙林顯佛性。 146.悲心貫三有，色像應群方，粟粒以分身，爾乃居圓寂。

表 13-2：（2 表）丁八贊大師於所化所作饒益鹹盡其責之理分五 贊不負債品第十三（第 135～153 頌）

丁八贊大師 於所化所作 饒益鹹盡其 責之理分五	戊二攝上述贊頌文義 以稀奇之詞贊	147.善哉奇特行，稀有功德身，大覺諸法門，世所未曾有。 148.流恩遍含識，身語恒寂然，凡愚背聖恩，于尊興謗怒。 149.法聚寶藏真無際，德源福海實難量， 若有眾生曾禮尊，禮彼亦名為善禮。
	戊三大師牟尼王功德 言不能盡、然作此略 說亦屬有緣、自我贊 勵	150.聖德神功無有盡，我今智劣喻微塵， 欲贊如來功德山，望崖怯退由斯止。 151.無量無數無邊境，難思難見難證理， 唯佛聖智獨了知，豈是凡愚所能贊。 152.一毫一相充法界，一行一德遍心源， 清淨廣大喻芳池，能療眾生煩惱渴。
	戊四迴向造此讚頌文 之善	153.我贊牟尼功德海，憑斯善業趣菩提， 普愿含生發勝心，永離凡愚虛妄識。
	戊五示品名	贊不負債品第十三

附：

附	<p>節錄《南海寄歸內法傳》卷四：</p> <p>且如尊者摩啞裡制吒者，乃西方宏才碩德、秀冠群英之人也。</p> <p>傳雲：</p> <p>昔佛在時，佛因親領徒眾人間遊行，時有鶯（同“鶯”）鳥見佛相好儼若金山，乃於林內發和雅音如似贊詠。</p> <p>佛乃顧諸弟子曰：“此鳥見我歡喜，不覺哀鳴。緣斯福故，我沒代後獲得人身，名摩啞裡制吒，廣為稱歎讚我實德也（摩啞裡是母，制吒是兒也）。”</p> <p>其人初依外道出家，事大自在天。</p> <p>既是所尊，具申贊詠。</p> <p>後乃見所記名，翻心奉佛染衣出俗。</p> <p>廣興讚歎，悔前非之已往、遵勝轍於將來。</p> <p>自悲不遇大師，但逢遺像遂抽盛藻，仰符授記贊佛功德。</p> <p>初造《四百贊》，次造《一百五十贊》，總陳六度，明佛世尊所有勝德。</p> <p>斯可謂文情婉麗，共天藹而齊芳；理致清高，與地嶽而爭峻。</p> <p>西方造讚頌者，莫不鹹同祖習；無著、世親菩薩，悉皆仰趾。</p> <p>故五天之地初出家者，亦既誦得五戒、十戒，即須先教誦斯二贊。</p> <p>無問大乘小乘鹹同遵此，有六意焉。</p> <p>一、能知佛德之深遠；</p> <p>二、體制文之次第；</p> <p>三、令舌根清淨；</p> <p>四、得胸藏開通；</p> <p>五、則處眾不惶；</p> <p>六、乃長命無病。</p> <p>誦得此已方學餘經。</p> <p>然而斯美未傳東夏。造釋之家故亦多矣，為和之者誠非一算。</p> <p>陳那菩薩親自為和，每於頌初各加其一，名為《雜贊》，頌有三百。</p> <p>又鹿苑名僧號釋迦提婆，復於陳那頌前各加一頌，名《糅雜贊》，總有四百五十頌。</p> <p>但有製作之流，皆以為龜鏡矣。</p>
---	---